

خزینہٴ اوراق

نمبر
۳۳

تاریخ تالیف
۱ مایس سنہ ۱۲۹۷

جمعہ ایرتسی

عمومی اعتباریہ فنونہ دائر رسالہٴ ادبیہ در

آیدہ درت کرہ اولہ رقی جمعہ ایرتسی کونلری چیقار

شکلنده مشهور اولان اضطرار سزلق و دروننده بولنان جواهر مؤثره سنک برنجی نوعه نسبتاً نقصانیتی و زیاده جه لغابی اولمسی اوصاف فارقه سندنر بونک کله سنک ثقلی نهایت اوچیوز غرامدر .

مصر آفیونی بونوع افیون دخی لونک ثباتی رایحه سنک دیگرله نظراً قلتی ولون کدیمی و بالکسر لمعانی و اوصاف مخصوصه سارمسی جهتیله تمیز اولنه ییلور .

شو تعداد اولنان افیونلردن بشقه ایران و یاخود طریزون افیونی و هند افیونی و افیون بلدی نام دیگر ایله فرانسه افیونی نامریله شهرت شعار افیونلر واردر .

تجارتده علی اکثر افیون اجسام اجنبیه ایله تفتیش ایدیله رک فروخت اولور علاوه اشدکلی مواد دخی احجار قوم طو . براق خلاصات رائجیات و زیت اولدیغی کبی بعضاً دخی افیونک مواد مؤثره سندن اولان مورفینی اخذ ایدوب بعده شکل اولسه ادخال ایدرنر .

کیور نام ذات افیون اسکیدکجه تغیر اشدیکنی و بو حالدده اصل جوهر مؤثری اولان مورفینک ثقلانی بیان ایشلدرکه مو . می الیهک شو ادعایی میدانه قویدیغی تجارب ایله مرئیة تحقیقه وارمشر . مابعدی صکره

«ملاحظات خصوصیه»

۴۴ انسان هر سویلیدیگنی یاپه مدیغی کبی هر یاپدیغنی ده سویلیدمز .

۴۵ یکی اغزله اسکی سوز سویلنله میه جکی کبی یکی سوزله
اسکی اغز قوللانیله من .

۴۶ خرمدہ پیویان ارکک وسلاملقده یتشان قز چوجقلری
« یورک » سز اولور .

۴۷ لقردی بی سویلنندن اکلایانلر ایله دکلہ دکدن صکره اکلا-
میانلرک مکلامه سی سورکسن اولور .

۴۸ انسانک اشرف مخلوق اولیشی امر تعیشده حیوانات
سارهی استفاده ایتدکلرندن تولد ایدر .

۴۹ حضور حقہ چیقہ جق عجزه امتک دلیل و شفیعہ
نصل احتیاجلری درکار ایسه اغوش مادردن مواجهه ناسه
ایتله جق اطفالک حسن خلق و تربیده احتیاجی اونستده در .

۵۰ قیاسات جزویه حیوانیه نک نتایجی افکار عوامی وادرا-
کات بشریه نک اتحادی افکار خواصی تشکیل ایده جکندن (افکار
عمومیه) بونلرک یکدیگریله ربط رشتہ علاقه ایملرینه منوطدر .

۵۱ هر دلی قانلی عد اولنده من فقط هر قانلی دلی عد اولنور .

۵۲ بر شخصک هم مذهبی علیهنه حرب قتال ایتمسی ایکی
قرداش پینده استعمال سلاخه بکزر .

۵۳ حق سرلغنی بیلدیکی دعوا ایچون تنظیم لواج ایله مشغول اولان وکیل لر خسوفدن خبردار اولمیه ویده ترتیب تقاویم ایله اشغال ابدن منجهملر کبدر اولکیسی حکامک وقت نشاطی ایکنجیسی حاکمک محکوملرک اشرف ساعتی قوللار .

—

۵۴ بیوک غزته محرر لریله کوچک پولیس ضابطلری هم وظیفه درلر اولکیسی اصول واداب داخلنده یشایان انسانلره بیلدیکی شیلری بیلدیرمکه — ایکنجیسی اصول واداب حارجنده یشایان انسانلره بیلدیکی شیلری اونوتدیرمکه سبب و واسطه درلر .

محمود جلال الدین

—

اثر مقبوله لریله رساله منری تزیین ایدن رشید بک افندی بی شخصاً طایفیدیمز وحتی نرده اولدقلربی بیلدیکمز ایچون کندیلر - ینه بورجلی اولدیمز تشکری علناً ایقایه جرأت ایلدک « خزینة اوراق » ک قسم اول و ثانسی ذاب معارف پروریلری نامنه معران افندی به تودیع اونمشدرد .

(خزینة اوراق) ک قسم اول و ثانسی یارم لیره ید اشترا بیورانلره قسم ثالثی مجاناً وریلهجکی وطشره دن سپارش وقوعنده کوندریلهجکی صرافیم افندی طرفندن اعلان وتعهده ایدیلور .

—